

## ადმოსავლეთ ევროპის უნივერსიტეტი

### თანამედროვე მონობის პოლიტიკა (Modern Slavery Policy)

#### I. მიზანი

- წინამდებარე პოლიტიკის მიზანია ადმოსავლეთ ევროპის უნივერსიტეტში თანამედროვე მონობის, იძულებითი შრომის, ადამიანით ვაჭრობისა და შრომითი ექსპლუატაციის ყველა ფორმის პრევენცია, გამოვლენა და აღმოფხვრა, რისკზე დაფუძნებული სათანადო შემოწმების მიდგომის ფარგლებში.
- პოლიტიკა ადასტურებს უნივერსიტეტის ვალდებულებას:
  - ადამიანის უფლებების პატივისცემისა და დაცვის მიმართ;
  - ეთიკური და პასუხისმგებლიანი მმართველობის მიმართ;
  - გამჭვირვალე და მდგრადი ოპერაციების უზრუნველყოფის მიმართ.

#### II. მოქმედების სფერო

- პოლიტიკა ვრცელდება უნივერსიტეტის:
  - აკადემიურ, მოწვეულ და ადმინისტრაციულ პერსონალზე;
  - სტუდენტებზე — იმ ნაწილში, სადაც ისინი ჩართულნი არიან სამუშაო, პრაქტიკის ან დასაქმების მსგავს ურთიერთობებში;
  - კონტრაქტორებზე, საქონლისა და მომსახურების მომწოდებლებზე;
  - დონორებსა და პარტნიორებზე - უნივერსიტეტთან თანამშრომლობის ფარგლებში.
- პოლიტიკა ვრცელდება:
  - უნივერსიტეტის შიდა ოპერაციებზე;
  - მიწოდების ჯაჭვზე;
  - ყველა სახელშეკრულებო და არაფორმალურ ურთიერთობაზე, რომელიც უკავშირდება უნივერსიტეტის საქმიანობას.

#### III. სამართლებრივი საფუძველი

პოლიტიკა ეფუძნება:

- ადამიანის უფლებების დაცვის საერთაშორისო პრინციპებს;

- შრომის საერთაშორისო ორგანიზაციის (ILO) ფუნდამენტურ კონვენციებს;
- კორპორაციული სოციალური პასუხისმგებლობისა და ESG სტანდარტებს;
- მოქმედ კანონმდებლობას, უნივერსიტეტის წესდებასა და შიდა მარეგულირებელ აქტებს.

#### IV. ძირითადი ცნებები

1. **თანამედროვე მონობა** – იძულებითი შრომა, მონობა, მომსახურების გაწევის იძულება, ადამიანით ვაჭრობა ან შრომითი ექსპლუატაციის სხვა ფორმები.
2. **იძულებითი შრომა** – ნებისმიერი სამუშაო ან მომსახურება, რომელიც პირისგან მოითხოვება მუქარის, ძალადობის ან იძულების პირობებში, პირის თავისუფალი თანხმობის გარეშე.
3. **ადამიანით ვაჭრობა** – ადამიანის ყიდვა ან გაყიდვა, ან მის მიმართ სხვა უკანონო გარიგების განხორციელება, აგრეთვე სხვადასხვა ხერხებით ადამიანის გადაბირება, გადაყვანა, გადამალვა, დაქირავება, ტრანსპორტირება, გადაცემა, შეფარება ანდა მიღება ექსპლუატაციის მიზნით.
4. **მიწოდების ჯაჭვი** – უნივერსიტეტის საქმიანობასთან დაკავშირებული საქონლისა და მომსახურების მიწოდების მთელი პროცესი.

#### V. ძირითადი პრინციპები

უნივერსიტეტი ხელმძღვანელობს შემდეგი პრინციპებით:

- ნულოვანი ტოლერანტობა თანამედროვე მონობის მიმართ;
- ადამიანის ღირსების პატივისცემა;
- პრევენციაზე ორიენტირებული მიდგომა;
- გამჭვირვალობა და ანგარიშვალდებულება;
- პასუხისმგებლიანი პარტნიორობა.

#### VI. პრევენციული ღონისძიებები

1. უნივერსიტეტი იღებს ზომებს:
  - თანამედროვე მონობის რისკების იდენტიფიცირებისა და შეფასების მიზნით;
  - მომწოდებლებისა და კონტრაქტორების შერჩევისას ეთიკური კრიტერიუმების გამოყენებით;
  - ხელშეკრულებებში ადამიანის უფლებების დაცვის დებულებების ჩართვით.
2. მაღალი რისკის სფეროებში უნივერსიტეტი უფლებამოსილია:
  - მოითხოვოს დამატებითი ინფორმაცია ან დოკუმენტაცია;
  - შეწყვიტოს თანამშრომლობა დარღვევის დასაბუთებული ეჭვის ან დადასტურების შემთხვევაში.

#### VII. მიწოდების ჯაჭვის მართვა

1. მომწოდებლები და კონტრაქტორები ვალდებული არიან:
  - დაიცვან შრომითი უფლებები და კანონმდებლობა;
  - არ გამოიყენონ იძულებითი ან ექსპლუატაციური შრომა;
  - ითანამშრომლონ მონიტორინგისა და აუდიტის პროცესში.
2. უნივერსიტეტი უფლებამოსილია განახორციელოს:
  - თვითშეფასების მოთხოვნა;
  - რისკზე დაფუძნებული შემოწმება;
  - კონტრაქტის შეწყვეტა დარღვევის შემთხვევაში.

### **VIII. ცნობიერების ამაღლება და ტრენინგი**

1. უნივერსიტეტი ხელს უწყობს ცნობიერების ამაღლებას თანამედროვე მონობის რისკების შესახებ.
2. საჭიროების შემთხვევაში ტარდება:
  - ტრენინგები შესაბამისი პერსონალისთვის;
  - საინფორმაციო აქტივობები სტუდენტებისა და პარტნიორებისთვის.

### **IX. შეტყობინება და დაცვა**

1. ნებისმიერ პირს უფლება აქვს კეთილსინდისიერად და საფუძვლიანი ეჭვის არსებობის შემთხვევაში აცნობოს თანამედროვე მონობის შესაძლო შემთხვევის შესახებ.
2. შეტყობინება შეიძლება განხორციელდეს:
  - უშუალო ხელმძღვანელთან;
  - ხარისხის უზრუნველყოფის სამსახურთან;
  - უნივერსიტეტის მიერ განსაზღვრული კონფიდენციალური არხით.
3. უნივერსიტეტი უზრუნველყოფს:
  - კონფიდენციალურობას;
  - შურისძიებისგან დაცვას.

### **X. რეაგირება და გამოსწორება**

1. შესაძლო დარღვევის გამოვლენის შემთხვევაში უნივერსიტეტი:
  - ახორციელებს ფაქტების მოკვლევას;
  - იღებს დაუყოვნებელ ზომებს ზიანის შესამცირებლად;
  - საჭიროების შემთხვევაში წყვეტს თანამშრომლობას.
2. რეაგირება ხორციელდება ისე, რომ იყოს:
  - დროული;
  - პროპორციული;
  - ეთიკური და სამართლებრივად გამართული.

## XI. მონიტორინგი და ანგარიშგება

1. პოლიტიკის განხორციელებას მონიტორინგს უწევს ხარისხის უზრუნველყოფის სამსახური.
2. აგრეგირებული ინფორმაცია შეიძლება აისახოს:
  - შიდა ხარისხის ანგარიშებში;
  - მდგრადი განვითარების ანგარიშებში;
  - ინსტიტუციური თვითშეფასების დოკუმენტებში.

## XII. დარღვევები და სანქციები

1. პოლიტიკის დარღვევა იწვევს რეაგირებას მოქმედი კანონმდებლობისა და უნივერსიტეტის შიდა წესების შესაბამისად.
2. სანქციები უნდა იყოს:
  - სამართლიანი;
  - პროპორციული;
  - გამჭვირვალე.

## XIII. პოლიტიკის რევიზია

1. პოლიტიკა ექვემდებარება გადახედვას პერიოდულად, მაგრამ არანაკლებ სამ წელიწადში ერთხელ.
2. ცვლილებები მტკიცდება წარმომადგენლობითი საბჭოს მიერ.
3. განახლებული ვერსია ქვეყნდება უნივერსიტეტის ვებგვერდზე.

## XIV. ძალაში შესვლა

1. წინამდებარე პოლიტიკა ძალაში შედის წარმომადგენლობითი საბჭოს მიერ დამტკიცების დღიდან.